

張文襄公未譜

甘肅省題



上

張文獻公集

卷之十



張

文

襲

公

李

晉

介

齊

胡

鉤

璽

編



重編張文襄公年譜凡例

一公年譜原有無錫許同莘君舊稿成於公薨後數年間許君從公久見聞親切纂錄事實必少舛誤不佞從事蒐輯殘稿不敢沒許君之勞故名重編一許彙原分十卷茲改分六卷原卷起訖多不以年爲斷致一年事蹟離爲兩卷不合年譜體裁蓋許君當時主編全集附輯年譜故有此失且因此致每卷之量過失均衡如後數卷不及第一卷三分之一是也茲改六卷以救其失

一公全集久已風行海內非許君輯譜時比也十卷稿與本集有複述而少聯系茲於必須參照者注明見本集某卷以便互證

一茲編成稿距許君輯譜時已二十餘年其間耳目所及佚文遺事足錄者補輯之如公致王文敏懿榮函足證書目答問非繆代撰之類是也

一公自任疆吏後所有措施動關大計雖或志有餘而力不足或事多阻而功

未成均足參證當時政治之演變其次者亦足爲文獻之徵故不憚詳注俾後之君子有所考證焉

一公名重中外行實見於外籍者甚多故聯著西歷俾資參考

一此次殺青用聚珍板印行極少深懼紕繆闕失不足傳信也

耆舊長德辱賜糾正再板補改少彌闕失有厚幸焉

己卯春日沔陽胡鈞識于北京

張文襄公年譜序

南皮張文襄公丁遜清末葉以一身之存亡繫天下之安危人皆知之至若矢抱冰握火之志持危扶顛之心冀挽虞淵之落日人或有所未知豈特未知而已異教之徒或揭櫟非常異議可怪之論以抗之正學不明趨新者如鶩雖夙所煦育或中道而背之據政地者或自任私臆棄其言不用而播棄之而公經營八表挽回浩劫之一片苦心遂付諸無何有之鄉而等諸泡影矣公恐人有非薄名教之心也迪之以務本恐人無應敵制變之術也迪之以務通融和新舊一爐而冶之以開風氣以正人心應時所需莫急於此怵禍至之無日也又以同心救弊齊力捍患箴儆國人其思深其慮遠矣而恢詭傾危之流初則假託孔子改制亂名而改作次則比傳禮運大同用夷而變夏又次則空所依傍獨創新說力倡思想自由惑世而誣民邪說丕張塵垢海寓舉先聖先師維持世宙之大經大法掃蕩而無餘莘莘學子率喜其說之放誕新奇黃葦白茅從

風而靡而明學術造人才維國是之宏願竟不克如公所期而適得其反焉此則公之隱恨也庚子神拳之禍公力請痛剿以止外兵羣昏當國置若罔聞權力所及僅保東南半壁而已而未能止北方之亂此亦公之隱恨也方公入贊綸扉之時正值國事蝸蟪之會鐵路議起國有民有相持不決斷斷如也公曰固國本宜得民心民心離亂之階也宜熟慮之監國不從於是十餘年前公對粵漢川漢民有之苦心計畫一舉而推翻之而國脈斬矣廷議整頓海陸軍監國將以親貴領之公力持不可以謂軍事所關甚鉅宜擇知兵者任之豈可示天下以私監國亦不能用也公籌謀深遠意欲凝結垂渙之人心以冀稍延一綫之國脈而監國固欲促之奈之何哉奈之何哉此又公之隱恨死不瞑目者也公欲舉世同心心則死矣公欲舉世務本本則撥矣遂以釀成天下之大亂而不可止然後知救亡之論弭亂之策公早申儆國人而發之於三十餘年以前者也而惜乎公之學說國人未能盡喻也自公即世仁義充塞率獸食人國

不國矣而公言遂驗然則欲挽橫流舍公言其何以焉自是而後公之學說或
庶幾爲國人所共信矣乎予持此議時與老友胡千之同年談及千之不予非
也適千之撰公年譜成索予弁言予則舉平日所共談論者書諸首簡海內知
言君子想不以予言爲河漢而無極耶己卯冬月門下士潛江甘鵬雲撰時年
七十有八

張文襄公年譜卷一

門人沔陽胡鈞重編

道光十七年 丁酉 西歷一八三七年

八月初三日公生於貴州興義府官舍

公一歲

公諱之洞字孝達號香濤督粵時號無競居士又別號壺公抱冰先世山西洪洞縣人明永樂二年遷山右民實畿輔始祖本自洪洞徙潞縣本子立立子端官南直隸繁昌縣荻港巡檢自潞縣徙天津府南皮縣東門之印子頭是爲東門張氏端子淮正德戊辰進士河南按察使以文章忠義有聲於時淮七傳至乃曾官山西孝義縣知縣徙居畢家塘顏所居曰孝義堂是爲公高祖曾祖怡熊字叶占浙江山陰縣知縣兩世爲縣令皆以廉惠聞祖廷琛字獻侯貢生四庫館謄錄議敘福建漳浦東場鹽大使題補古田縣知縣乾隆季年福建將軍魁綸興大獄閩中官吏繫獄者督撫藩臬道府十餘人廳

縣以下七十五人漳浦公以鹽場官署侯官縣又兼署近省某縣及省城首領佐貳等官凡綰九篆四繫之官皆屬焉所以調護拯拯者甚至識者以爲有陰德其後必昌考鏐字又甫號春潭徙居城南三里雙廟村少孤食貧力學艱苦卓絕舉嘉慶十八年鄉試以大挑試令黔中補安化知縣署清平鎮遠威甯等州縣事治行稱最調貴筑遷古州同知署黎平遵義安順諸府事尋擢知興義府娶劉夫人布政司經歷滄州劉廷式女繼娶蔣夫人嘉慶乙丑進士嘉定知府盧龍蔣策女繼娶朱夫人嘉慶甲戌進士四川和州知州臨桂朱紹恩女本年朱夫人生公於興義府廨中

公行四兄弟六人

長兄之灝字遠濶次之清字仲穆次之淵字蓉江五弟之澄字小潭幼弟之涌字閏濤姊妹八人長適獻縣劉

拔貢肇鈞即公詩之劉伯洵次未詳三適定興鹿文端公傳霖四適慶雲崔氏五適南皮黑龍村劉氏七字許氏未嫁而壻卒守貞以終六八皆殤

道光二十年

庚子

西歷一八四〇年

四歲

朱太夫人卒太夫人善鼓琴遺琴二公既長對琴輒流涕贈公自朱夫人卒

後不復更娶命側室魏氏撫字之及公貴魏氏以覃恩累封夫人

道光二十一年 辛丑 西曆一八四一年

五歲

入塾從何養源先生受讀詳詢字義必索解乃止

道光二十二年 壬寅 西曆一八四二年

六歲

六月贈公丁蘇太夫人憂開知府缺

道光二十四年 甲辰 西曆一八四四年

八歲

九月贈公服闋復如貴州仍任興義府知府

道光二十五年 乙巳 西曆一八四五年

九歲

是歲讀四書五經畢公童時讀書非獲解不輟篝鐙思索每至夜分倦則伏案而睡既醒復思必得解乃已其後服官治文書往往達旦自言乃幼時讀書好夜坐思之故

道光二十六年 丙午 西曆一八四六年

十歲

讀九經畢學爲詩古文詞贈公訓子以儉約知禮爲宗過庭授學多乾嘉老輩緒言黔中僻遠難得書贈公竭俸金購書數十厨置諸子學舍令於日課之外聽以己意觀之大率史部朱子書及本朝說經之書爲多所親或諷曰若輩童年豈能解此贈公曰姑令縱觀不解無妨浸淫旣多長大自能解又教諸子曰貧吾家風汝等當力學

道光二十七年 丁未 西曆一八四七年

十二歲

作詩文工力日進興義府教授敖君爲古風一篇贈公命和援筆立就

公在粵時

敖君之子持先集刻本來謁此詩附載集中公語左右云當時贈公見詩而喜斟酒命飲并獎硯一

道光二十八年 戊申 西曆一八四八年

十二歲

詩文爲塾師獎許父執亦歎異之乃裒爲一冊贈公寄示兄口於任所

按贈公兄

錯字鐵夫任縣教諭贈公寄兄云云公所自言而未舉其名故從闕得復以歛才勿露爲勗贈公韙其言加董

戒焉公終身誦之後焚少作略盡先後受業師可考者在十三歲以前有何

養源

附生

曾搢之

己名叙笏道光拔貢生

張蔚齋

附名國華貢生

貴西垣

附名貴乙生

黃升三

名政鉤舉人南

雄州同

王可貞

名含章道光甲辰舉人貴州普安縣訓導

敖慕韓

名國琦道光丁未進士陳留知縣

張省巖

名元弼嘉慶庚

午舉

趙斗山

名拔才嘉慶諸先生十四歲以後有丁誦孫

名嘉葆武進人道光戊戌進士翰林

院侍

童雲達

名暈道光癸巳進士貴州定番府知府

袁燮堂

附名理生

洪次庚

名調笙字南陵咸豐辛亥舉人樂陵知縣

諸先生其年月不可知而得力於丁先生最多又嘗從胡文忠公問業袁先生

生公之姑夫也

道光二十九年

己酉

西曆一八四九年

十三歲

從韓果靖公受業興義府署

韓公名超字寓仲直隸昌黎人道光甲午附貢沈勇忱慨胡文忠稱爲血性奇男子以直隸州

判需次貴州署獨山州篆時丁父憂贈公延致署中令四子受業後累官貴州巡撫

未幾韓公就胡文忠於黎平公回

籍就試時從父鉞

字越山古田公兄廷雲之子道光己酉拔貢

晉州訓導卽在署中度歲

回籍道經湘鄂

乘小車行後督湖廣閱荊州萬城堤及安陸堤工指點村落謂此當日經行故道也

道光三十年

庚戌

西曆一八五〇年

十四歲

兄弟四人同應試公入縣學學政程侍郎廷桂深加器重期勉甚至試畢回晉州

六月洪秀全起金田將窺黔邊贈公募義勇謹斥堠上書巡撫請用李化龍八道進兵之策不果行會督師林文忠公道卒寇益張有闌入南盤江者立擒殄之其黨數千人皆宵遁

咸豐元年 辛亥 西曆一八五一年

十五歲

是年當在晉州或原籍讀書不得其詳

咸豐二年 壬子 西曆一八五二年

十六歲

應順天鄉試中式第一名舉人

報至貴州胡文忠方在黃平軍中與贈公書云得令郎領解之信與南溪開口而笑者累

日南溪謂韓果靖公也

是科主試者尙書滿洲麟魁蕭山朱尙書鳳標旌德呂文節公賢基旌德呂氏家世傳經文節湛深經術公質疑請益所學益進是歲留京寓外家蔣氏

度歲

咸豐三年

癸丑

西曆一八五三年

十七歲

三月江寧不守畿輔戒嚴七月出都值霖雨兼旬自通州乘舟至東鹿賦詩紀行所爲詩入集自是年始八月弟小潭卒於貴州□月抵興義省贈公贈公出入險阻四年吳文節公文鎔督雲貴贈公上團練方略萬言文節大奇之署紙尾曰東南事一以委君旋以他人事窒吏議文節與巡撫某再疏復公官權貴西道

咸豐四年

甲寅

西曆一八五四年

十八歲

遵義教匪楊鳳倡亂久不平其黨遠近應之連陷數縣進攻興義時郡兵調發略盡贈公鳩士民率僚屬以守而自以身當北門賊衝趣家人登樓厝薪曰城陷卽自焚公兄弟及姊夫鹿文端公皆登陴苦戰三晝夜不息賊縱火攻門城垂破贈公陰縋死士下城繞出賊後賊驚擾贈公猝出城令曰願擊

賊者從出城三十里次於普坪民爭趨赴數日衆至三萬下令寬脅從散去
不問殺賊自歸者賞鄉團助戰者蠲本年租於是附賊者皆解體一戰破賊
擒其魁冉秉成等斬之凡十二日境內悉平

是歲石夫人來歸夫人灤州人嘉慶癸酉拔貢都勻府知府石煦女生長貴
州

咸豐五年 乙卯 西曆一八五五年

十九歲

侍贈公於軍中三月韓果靖提兵辦賊東經餘慶得復脩弟子禮楊鳳掠安
順將薄興義境贈公以民兵三千越境渡花江迎擊走之使不得入粵邊鳳
旣滅會有苗匪之變贈公請以破鳳主客各軍討苗勿遣歸大府不聽未幾
苗陷巖門廳下游大擾大府始大悔檄權貴東道扶病強起以新募五千人
行連戰破之遣公北歸乃自瀘江入蜀雨中行棧道與伯仲叔三兄相遇除
夕宿紫陌山留侯祠念去年此日身在圍城愴然有作